

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-12643/26
Sarajevo, 09.6.2026. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku, Općinski načelnik donosi:

ODLUKU

I

Prihvata se ponuda ponuđača „Mibral“ d.o.o. Sarajevo sa ponuđenom cijenom za ugovor u iznosu od 87.792,39 KM bez PDV-a, odnosno 102.717,10 KM sa PDV-om, u predmetu pregovaračkog postupka bez objave obavještenja o nabavci – „Izvođenje dodatnih radova na izgradnji rezervoara za vodu Reljevo 2 po osnovu ugovora br.1 – broj 02/12-19-28226/23.“

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Služba za investicije i komunalne poslove je aktom broj broj 02/08-19-18434/23NT od 17.4.2026. godine podnijela zahtjev za pokretanje procedure pregovaračkog postupka za izvođenje dodatnih radova na izgradnji rezervoara za vodu Reljevo 2 po osnovu ugovora br.1 – broj 02/12-19-28226/23, a shodno aktu stručno-tehničkog nadzora „Radis“ d.o.o. Istočno Sarajevo broj NA-14-01/26 od 19.1.2026.godine kojim se konstatuje da se tokom realizacije ugovora ukazala potreba za izvođenjem dodatnih opravdanih radova koji nisu obuhvaćeni osnovnim ugovorom, a koje je neophodno izvesti da bi objekat bio funkcionalan, a radovi se najvećim dijelom odnose na krčenje stabala i odvoz materijala na deponiju, produženje trase odvodno-dovodne cijevi do granice parcele kako se plato oko rezervoara ne bi morao raskopavati, te dopunskog projektnog rješenja u dijelu montažnih radova.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-12643/26 od 15.5.2026. godine - „Izvođenje dodatnih radova na izgradnji rezervoara za vodu Reljevo 2 po osnovu ugovora br.1 – broj 02/12-19-28226/23“, pregovarački postupak bez objave obavještenja o nabavci. Služba za zajedničke poslove je potom uputila poziv za učešće u pregovaračkom postupku broj 02/12-19-12643/26 od 18.5.2026. godine ponuđaču „Mibral“ d.o.o. Sarajevo.

Zapisnikom o otvaranju ponuda od 25.5.2026. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Mibral“ d.o.o. Sarajevo.

Komisija je izvršila analizu dostavljene inicijalne ponude i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena od strane

stručnih tehničkih lica komisije pristupljeno postupku pregovaranja sa predstavnikom ponuđača. U toku postupka pregovaranja dana 02.6.2026. godine stručna tehnička lica Komisije su pregovarala sa predstavnikom ponuđača o mogućnosti smanjenja cijene ponude. Komisija je pozvala ponuđača i na mogućnost eventualnog procentualnog umanjenja davanjem popusta na ponudu, te je ponuđač pozvan da u roku od tri (3) dana dostavi konačnu ponudu.

Ponuđač je dostavio konačnu ponudu broj 55-1.6.2-05/26 od 04.6.2026. godine putem protokola sa ponuđenom cijenom za ugovor u iznosu od 87.792,39 KM bez PDV-a, odnosno 102.717,10 KM sa PDV-om. Komisija je izvršila računsku kontrolu ponude i konstatovala da nije bilo računске greške, da je ponuđač umanjio jediničnu cijenu pozicija u inicijalnoj ponudi koje se odnose na poziciju 1 – pripremni radovi – krčenje stabala na parceli budućeg rezervoara sa odlaganjem, te izrada projektne dokumentacije i projektni nadzor. Nadalje, stručna tehnička lica Komisije su izvršila uvid u osnovni ugovor zaključen sa ponuđačem, te ugovore koji za predmet imaju slične radove, kao i mišljenje stručno tehničkog nadzora, te su stručna tehnička lica Komisije mišljenjem broj 02/12-19-12643/26 od 09.6.2026. godine konstatovala da su sve jedinične cijene u skladu sa trenutnim tržišnim cijenama, pa je Komisija dala preporuku za zaključenje ugovora.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14, 59/22 i 50/24), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

